



ԳԱՐԵԳԻՆ Ծ. ՎԱՐԳԱՊԵՏ ՏԵՐ-ՀԱԿՈՐՅԱՆ


ՀԱՄԱՅՆ ՎՐԱՍՏԱՆԻ ՊԱՏՐԻԱՐԲ—ԿԱԹՈՂԻԿՈՍ ԿԱԼԻՍՏՐԱՏԻ ՄԱՀԸ ԵՎ ՀՈՒՂԱՐԿԱՎՈՐՈՒԹՅՈՒՆԸ



Ույն թվի փետրվարի 3-ին
կնքեց իր մահկանացուն Հա-
մայն Վրաց Պատրիարք-Կա-
թողիկոսը ութսունվեցամյա հա-
սակում: Նորին Սրբության մահվան դույժը,

րոպուիտը բարեհաճել էր հեռագրել Ս. էջ-
միածին Ամենայն Հայոց Հայրապետին:

Նորին Սրբությունը ծնվել է 1866 թվին:
Նա սովորել և ավարտել է Կիևի Հոգևոր ճե-
մարանը և ապա 60 տարի շարունակ անբա-
սիր ծառայել հոգևոր ասպարեզում. 40 տա-



կայծակի արագությանը, տարածվեց ինչ-
պես վրաստանում, այնպես և ողջ Սովետա-
կան Միության մեջ: Նույն օրը Նորին Սրբու-
թյան մահվան մասին կաթողիկոսական տե-
ղապահ ամենապատիվ Մելքիսեդեկ միտ-

րի պաշտոնավարել է որպես քահանա, և
1932-ից մինչև 1952 թիվը, մեծ ձեռնհասու-
թյամբ, վարել է կաթողիկոսության պատաս-
խանատու պաշտոնը:

Հանգուցյալը մեր Վեհափառ Հայրապե-

տի մտերիմ բարեկամներից էր՝ անշափ սիրված և հարգված նրանից, ուստի և նրա մահը խիստ վշտացրեց ծերունազարդ Վեհին, ինչպես և Մայր Աթոռի ողջ միաբանությունը: Նախանցյալ տարի Նորին Սրբության Ս. Էջմիածնում եղած ժամանակ Մայր Աթոռի միաբանությունը մոտից ծանոթացել էր նրա բարի և ազնիվ բնավորության հետ, ինչպես և հայ ժողովրդի և հայ եկեղեցու նկատմամբ նրա ունեցած անշափ սիրալիր վերաբերմունքին:

Քույր եկեղեցու ակնաւոր հովիւ պատի հիշատակը հարգելու նպատակով, Վեհափառ Հայրապետը հատուկ պատգամավորություն դործուղեց Թբիլիսի: Պատգամավորության մեջ մտնում էին Մայր Աթոռի Ս. Էջմիածնի միաբան գերաշնորհ տեր Սահակ եպիսկոպոսը, Թբիլիսիի Ս. Գեորգի վանահայր տեր Վարդան վարդապետը և Թբիլիսիի թեմական խորհրդի նախագահ Տիար Աղաջանյանը և մենք:

Գերաշնորհ տեր Սահակ եպիսկոպոսը ճանապարհվեց Երևանից փետրվարի 8-ին: Ամսի 9-ի առավոտյան ժամը 8-ին պատգամավորությունը ժամանեց Թբիլիսի:

Հայոց Առաջնորդարանում պատգամավորությունը այցելության եկավ Թեւալի առաջնորդ գերաշնորհ տեր Գավրիլ եպիսկոպոսը՝ Քավղեթի եկեղեցու միաբան խորհուրդի ավագ քահանայի ուղեկցությամբ:

Գերաշնորհ տեր Սահակ եպիսկոպոսը Վեհափառ Հայրապետի անունից խորին ցավակցությամբ հայտնեց իր հոգևոր եղբոր՝ հանգուցյալ Կալիստրատ կաթողիկոսի մահվան առթիվ:

Նույն օրը պատգամավորությունը ներկա գտնվեց Թբիլիսիի հայոց Ս. Գեորգ եկեղեցու երեկոյան ժամերգությանը և ապա քահանայական դասի, թեմական խորհրդի անդամների և երգեցիկ խմբի հետ միասին գնաց Ս. Սիոնի մայր տաճարը հոգեհանգիստ կատարելու համար: Չնայած տեղացող հորդառատ անձրևին, բոլոր փողոցները լեփ-լեցուն էին հավատացյալ ժողովրդյան հոծ բաղմունքով: Պատգամավորությունը Հայաստանյայց Եկեղեցու անունից ցավակցությամբ հայտնելով Պատրիարքի տեղակալ ամենապատիվ տեր Մելքիսեդեկ միտրոպոլիտին Կալիստրատ կաթողիկոսի մահվան առթիվ, զբաղեցրեց իրեն նշանակված տեղը: Երեկոյան ժամը 6-ին հանգուցյալ Պատրիարքի դագաղի մոտ Հայոց Եկեղեցու պատգամավորությունը կատարեց հոգեհանգիստ՝ քառաձայն երգեցիկ խմբի մասնակցությամբ:

Հաջորդ օրը, փետրվարի 10-ին, պատգամավորությունը ներկա գտնվեց Ս. Գեորգ

եկեղեցում կիրակնօրյա Պատարագին: Ս. Պատարագից հետո, հանդիսարդյությամբ տեր Սահակ եպիսկոպոսի, կատարվեց հոգեհանգիստ քույր եկեղեցու հովիւ պատի: Այստեղից հայոց եկեղեցու պատգամավորությունը, Թբիլիսիի հայոց թեմի խորհրդի անդամների հետ միասին, շարժվեց դեպի Սիոնի Մայր տաճարը:

Բոլոր փողոցները դեպի մայր եկեղեցին լիքն էին հավատացյալների անհամար բաղմունքով: Անվերջ լսվում էր եկեղեցու զանգերի ղողանջումը: Քույր եկեղեցին ողբում էր իր սիրելի հովիւ պատի կորուստը: Ներսիսյան լույս տաճար, մեր պատգամավորությունը գրավեց իրեն հատկացված տեղերը: Շարունակվում էր Ս. Պատարագի արարողությունը: Պատարագիչն էր հանգուցյալ Պատրիարքի տեղակալ ամենապատիվ տեր Մելքիսեդեկ միտրոպոլիտը: Պատարագին ներկա էր Մոսկվայի և Համայն Ռուսիո Ալեքսի Պատրիարքի պատգամավորությունը ամենապատիվ Նիկոլայ Կրուտիցկին միտրոպոլիտի գլխավորությամբ: Պատգամավորության կազմում էին գտնվում Սիմֆերոպոլի Արքեպիսկոպոս Լուկան, Խարկովի Արքեպիսկոպոս Ստեֆանը և ուրիշները: Ներկա էր նաև Դամասկոսի պատրիարքության ներկայացուցիչ Վասիլի վարդապետը, ինչպես և լրաց եկեղեցու բաղմունքով վարդապետներ, քահանաներ, սարկավազներ և դպիրներ, որոնք բոլորն զգեստավորված մասնակցում էին պատարագին: Պատարագն ավարտվելուց հետո, սկսվեց հանգուցյալ Պատրիարքի թաղման արարողությունը:

Դագաղի վրա, ամենապատիվ միտրոպոլիտ Նիկոլայ Կրուտիցկին արտասանեց վերին աստիճանի ազդու և բովանդակալից մի դամբանական, որը ուժեղ տպավորություն թողեց հավատացյալների վրա: Շատերն արտասովեցին: Ապա Ամենայն Հայոց Հայրապետի անունից ցավակցության խոսք ասաց գերաշնորհ տեր Սահակ եպիսկոպոսը:

Սկսվեց թաղման արարողությունը: Հանգուցյալ պատրիարքին վերջին հրաժեշտը տալու համար հրավիրվեցին նախ նրա հարազատները և ազգականները, ապա Ռուս եկեղեցու և քույր մյուս եկեղեցիների պատգամավորները: Եկեղեցականներից միտրոպոլիտ ամենապատիվ Նիկոլայ Կրուտիցկին առաջինը ծունկ չոքեց հանգուցյալ Պատրիարքի դագաղի առաջ, համբուրեց հանգուցյալի աջ ու ձախատը և աղոթեց: Նույն ձևով հերթականությամբ մոտեցան մյուս եկեղեցիների ներկայացուցիչները: Ցավակցական վերջին խոսքն ասաց երիտասարդ Վասիլի վարդապետը: Անուհետև կար-

դացվեցին արտասահմանից, Սովետական Միության դանազան քաղաքներից ստացված ցավակցական հեռագրերը, որոնց մեջ էին Ամենայն Հայոց Հայրապետի և Թբիլիսիի Հայոց թեմական խորհրդի հեռագրերը:

Ժամը 5-ին հանգուցյալ Պատրիարքի դագաղը տաճարից դուրս բերվեց, ըստ սովորության պատեցվեց տաճարի շուրջը, և ապա ներս բերվեց տաճար ուր փորված էր հանգուցյալի գերեզմանը: Մահմանված ազոթքները կատարելուց հետո, հանգուցյալի դագաղը իջեցվեց գերեզման և ծածկվեց հողով: Տեսարանը շատ հուզիչ էր: Խորը վշտով էին համակված բոլորը, չկար այլևս բոլորից սիրված կաթողիկոսը:

Ժամը 6-ին, ինչպես բոլոր պատգամավորները, այնպես և Հայոց Եկեղեցու պատգամավորությունը հրավիրվեց նորակառույց Վեհարանը ճաշի:

Ճաշկերույթի ընթացքում ցավակցական խոսքեր ասացին ամենապատիվ Նիկոլայ Կրուտիցկին, Սիմֆերոպոլի Արքեպիսկոպոս Լուկան և գերաշնորհ տեր Սահակ եպիսկո-

պոսը: Ճաշկերույթից հետո մեր պատգամավորությունը հրաժեշտ տվեց հանգուցյալ Պատրիարքի հարազատներին, Մեղիսեդեկ միտրոպոլիտին և մյուս բարձրաստիճան հոգևորականներին՝ կրկին անգամ հայտնելով իր ցավակցությունը:

Ամենապատիվ տեր Մեղիսեդեկ միտրոպոլիտը խնդրեց տեր Սահակ եպիսկոպոսից՝ Վեհափառ Հայրապետ Գեորգ Զ. ին հաղորդել իր անկեղծ շնորհակալությունը՝ ցույց տված վշտակցության և մատուցած հարգանքի համար՝ հանդես հանգուցյալ կաթողիկոս-Պատրիարքի հիշատակը: Մեր պատգամավորությունն իր ստանձնած պարտականությունը կատարելուց հետո, ամսույս 12-ին մեկնեց Թբիլիսիից դեպի Մալթ Աթոռ:

Թող տերը լուսավորե նորին Սրբություն՝ հանգուցյալ Կալիստրատ Պատրիարքի հոգին և արժանավոր դահակալով վերացնի մեր քույր եկեղեցու կաթողիկոսական գահին և քողը:

